

蕭山華鈞珊著

壺隱医案

受業周明道整理

庫本詳

壺

蕭山華鈞珊著



醫案

受業周明道整理

55949

追念先師華鈞璠先生

余年十五、卽致力中醫、曾一度隨湯汝汶醫師學習、嘗聞吾蕭耆宿、有華先生鈞璠者、文章精妙、醫術淵深、其家六世儒医、湯惠靈黎、義子桑梓、先生弱冠舉孝廉、无意仕進、愚靈蕭山縣城及杭垣、垂數十年、活人无算、其子然青早逝、然頗有遺詣、遺著甚多、于醫學界亦卓卓有聲、余心焉慕之、惜无由登長者之堂而亲承教誨也、癸巳秋、先生八十誕辰、余獻小詩二章為壽、先生以孺子可教、还書勗勉、自是每至杭垣、必携讀書札記及以辨症疑難求教、蒙諄諄訓導、得益匪淺、时以家境清寒、无力深造、除刻苦自学外、不得不行医故里、聊追生計、惟学驗俱差、时深惶惑、岁丙申負笈至杭、再洪師教六介紹、复随先生受业、朝夕追隨、并为代写处方、临床訓喻、孜孜尤多、先生尝語余曰、吾年逾八十、精力漸衰、不意犹得一耆齡弟子、吾蕭后起不多、汝于医学既略有基础、今后望潜心学习、勿負余殷殷期望、并以所著壺隱医案抄本見賜、令随时揣摩、情深誼重、愧感曷极、先生本当代名儒、习医之余、更求指点作詩途徑、一年之中、师生吟詠及与海内諸師友酬唱之作、凡达百首、一

時傳為佳話、次年秋、先生應浙江文史館之聘、復以年老多病、離開診所、余遂還蕭、猶許通訊問難、乃歸來未久、而先生竟與世長辭矣、先生精于內科、于雜症尤有特殊研究、潘星如先生、吾蕭名醫也、對先生之處方、頗為折服、紹興名醫邵蘭蓀先生、亦先生旧好、對醫理分析及診斷經驗、亦時與交換意見、學驗既深、藥到病除、患者德之、迄今杭蕭兩地、仍以先生逝世為社會之莫大損失也、頃者、黨與政府提倡發揚醫學遺產、對已故名醫之杰出成就、尤為重視、不揣冒昧、謹將先生所著壺隱醫案、略加整理、附以簽注、明知譾陋、體會不深、挂一漏萬、在所難免、然以此使人知先生確能理論與實際結合、具體抽象、運用神奇、或于祖國醫學亦有所貢獻也歟、先生逝世已二年矣、追憶音容、時深懷念、讀書窗下、臨症床頭、每有疑慮、恨不能起斯人于地下而問之也、校閱醫案、敬識數語于卷端、

周明道一九六〇年五月于蕭山臨浦

壹隱醫案目錄

追念先師華鈞珊先生

上卷

中風	五
寒	六
溫	六
咳喘	七—八
瘡	九
痢疾	十一—十二
泄瀉	十二
霍亂	十三
嘔吐	十三
翻胃	十四

胃痛	十四
腫脹	十五
吐血	十六
潮熱骨蒸	十七
頭痛	十八
耳	十九
鼻淵	二十
牙齒	二十
目	二十一—二十二
咽喉	二十三—二十四

下卷

腹痛

二十五

腰脇痛

二十六

項肩痛

二十七

脊痛

二十七

腿痛

二十八

脚氣

二十九

疝氣

三十

痺

三十

痿

三十一

消渴

三十一

淋

三十二

白濁

三十三

大便閉

三十四

小便閉

三十四

便血

三十五

溺血

三十五

橫痃

三十六

梅毒

三十六

產后

三十六

驚風

三十七

疹

三十七

附錄師友唱和詩

三十九

壺隱醫案 上卷

蕭山華鈞璠壺隱著

受業周明道校注

中風

胡妇、因怒而昏厥、不省人事、牙关紧闭、喘息如絲、邀余診治、余先用烏梅擦牙、牙关乃开、急用热童便一碗约八两灌下、身渐回温、喘亦稍平、为撰一方、

羚羊角三錢 全蝎三錢 麝香七厘 胆星三錢 淡附片二錢 威灵仙三錢 杭白芍三錢 黄酒六兩

煎时加入桃仁汁三錢 竹瀝五錢 姜汁二錢

服神清而能行动、后用調肝养阴而愈、

明道按、此症先服童便、因童便味鹹、能使血管中热气下行、血管为痰火所蒙、方不能行、气亦頓閉、童便鹹能潤下、血既下行、气可漸升、故凡吐血如涌者、非童便不能治、其理亦正相同、祛风用羚羊角、逐寒痰用附子、生姜汁、开郁用胆星、竹瀝、逐痰

用桃仁、驅風用全蝎、達竅用麝香、行氣逐濕用威靈仙、調肝舒絡用杭白芍、治風之能事已畢、正不必分內風外風也、

寒

何崑芬之妾患中寒、腹痛如割、肢冷如冰、面灰如土、脈細如絲、囑余診之、余急用艾火灸臍至第七壯、始知熱入腹中、為撰一方、附片^{三錢}、玉桂心^{三錢}、乾姜^{三錢}、白芍^{三錢}、細辛^{二錢}、服一劑而痛稍減、脈漸起、次日于前藥加入蜜炙麻黃三錢、痛始減盡、肢亦漸溫、始知非麻黃必不能通陽達表也、可見傷寒用麻黃為開手第一方、其逐寒之力、可以得見、

上虞魏某患傷寒、惡寒發熱、時肄業大學堂、學堂中有官醫、凡官醫由西醫畢業、與以瀉水藥、服後熱反甚、反加嘔吐、不能納食、余診脈洪而濡、表邪未透、下之則邪无所出、先用竹茹半夏湯止其嘔吐、次用桂枝瓜蒌仁湯表其外邪、如法施之、服四劑而愈、

溫

台州陳大令患濕溫、其初起時身壯熱、肺痛如割、痰涌如潮、大便下而不暢、身熱灼肤、眼赤鼻干、口渴而不喜飲、按脈兩关弦數、兩寸沈細、此乃熱伏肝經、其大便秘下而不暢者、正熱結膀胱之証、非瀉肝熱、必不能愈、方用

当归龙骨丸三錢葛根錢半生甘草一錢

一服而肺痛愈、大便秘、熱勢退、次日用清燥救肺湯而愈、

明道按、当归龙骨丸原方本有柴胡、此乃朱丹溪治肝經郁熱之方、實脫胎于仲景大柴胡湯、其妙處正在柴胡與大黃并用、后人不明此旨、將柴胡刪去、是棄寶而還珠也、

瑞安陳之遴觀察、患冬溫、口大乾、旬余大便不下、頭痛、身壯熱、之遴知醫、自开一方、如淡豆豉、炒山梔、淡竹叶、冬桑叶、不效、囑余診之、余謂時當臘月、非麻黃大黃并用不可、即用防風通聖丸服之、而熱退、惟口仍乾、漸服滋陰藥而愈、

明道按、防風通聖丸有大黃、麻黃、

咳喘

何丙藻同年之太夫人患咳嗽又喘、時為秋末、身熱惡寒、夜不安臥、伏枕更劇、服治咳諸藥無效、囑余治之、按脈寸部獨沉、关部洪實、知寒為火速、非逐寒降火必不能愈、遂書一麻杏石甘湯予之服、而病頓瘳、

甬江包欽賢之母、患咳嗽而失音、其听語凡不能聞、時為冬月、服治咳諸藥殆遍、无效、余診脈寸沉而細、关洪而弦、為撰方如左、麻黃錢半烏梅三分阿膠三錢北杏仁三錢麝香壳二錢一服

而咳嗽即愈、音亦頓開、此方本于傳信適用方、益知古方之不我欺也、

明道接、麻黃能逐肺中之寒邪、得烏梅之生津、阿膠之滋潤、罌粟壳之固氣、光杏仁之利氣、不但治咳、并能治瘖、蓋失音由于肺實、肺屬金、金實則不能鳴也、又按、余从先生臨症時、見其用麻杏石甘湯治咳嗽而愈者不下數十人、录此兩例、余不尽贅、此方为天士、灵胎諸公所采用、其取效必已多矣、不必見麻黃而慮其性溫碍肺、見石膏而慮其性寒碍痰、蓋肉之則可畏、合之反可援也、

臨浦趙章卿之族弟、由京返蕭、患咳嗽甚劇、邀余診治、按脈寸部沉弱、关部浮洪、肺为胃火所迫、即处方如左、

荆芥二錢 淡豆豉二錢 蘇子一錢 枇杷竹瀝二錢 枇杷叶三錢 生姜一錢

湖州陳其采子十二岁、患咳嗽甚劇、时为二月、余授以麻杏石甘湯即愈、

邵某患喘、囑余治之、診脈右寸沉、左关实、由于肺之清阳不升、浮火上冲也、爰用濟生方中葶藶散治之、

甜葶藶二錢 葛根二錢 瓜蒌仁二錢 升麻二錢 桔梗二錢 桑白皮二錢 生甘草一錢 生姜五片
一服而气漸平、喘亦減大半、又服二劑愈、

明道按、此方妙在清熱、

桑白皮馬肺中浮火、

升麻、葛根升胃中清陽、一升一降、機括

乃虛、左以薤仁消痰、桔梗豁痰、治喘之能事畢矣、飲用之極效、

症

內表弟患瘧、熱多寒少、時為七月中旬、由伏暑所致、診脈寸关俱弦而緩、緩則為暑、弦則伏暑化熱、熱多寒少、又為伏暑之確證、為撰一方、

石膏三錢 淡竹叶三錢 銀柴胡二錢 法半夏一錢 生甘草一錢 生姜二片 大棗五枚

一服熱退、再服桂枝甘露飲而愈、

明道按、凡瘧由陽陷于陰、即油氣為清氣所透、古方用常山居多、蓋常山能涌痰上出、其性上升、升陽于陰、瘧自能愈、柴胡性亦上升、佐石膏則無氣烈之虞、經云、夏傷于暑、秋必咳瘧、消暑非石膏不可、叶天士治瘧屢用之、良有以也、若久瘧則又非柴胡佐繁甲治之不可矣、

王履成子思齋、用桂枝湯治之熱更甚而勢更篤、延余治之、方為炒繁甲、銀柴胡、川黃芩、法半夏、桃仁、淡竹叶、生甘草、生姜片、一服熱退身和、漸進滋陰藥而愈、

痢疾

馮志青名汝玠之尊人、高年患痢、一日夜登廁不下四五十次、其世兄汝玠、亦精醫學、為隨九芝高弟、所用之藥、类皆解暑逐濕之品、服之數日、猶不見效、改用滋補之類、痢乃加劇、遂邀余診、按脈关部洪实、舌苔白少黃多、余謂志青曰、此蓋積滯未消、非用大黃不可、不必年高為慮也、方用

川大黃三錢 川朴一錢 枳壳一錢 生甘草七分

服后下宿矢甚多、胃漸开、痢漸愈、

明道按、痢疾古名滯下、非逐滯則必不能瘳、宋代以后、类皆誤認滑瀉、甚至有誤用溫補溫濕之品、此实未明滯下之名义也、

王某食蟹后復食柿、頓患痢疾、腹痛如割、里急后重、邀余診治、按脈关部而实、觀其所服之方、已逾數十劑、醫更十余人、类皆消食积、解暑毒之類、內有一方、用大黃七分、蓋強人意、惟分量太輕、余即書小承氣湯、用大黃三錢、川朴二錢、枳实八分、服后宿矢下、胃气动、次用黃連阿膠湯加秦皮二錢、地榆二錢、服三劑而愈、

同年陳叔通之族弟、秋間患病、日本医用止瀉藥、中医用溫濕藥、病遂沉重、屬余往診、至

則視其貌滯如柴、懶于言語、胃納甚稀、氣息如絲矣、按脈則兩关緩而兼實、舌則黃膩尚厚、知其中西醫之誤用溫劑、擬用承氣湯、但久病似非所宜、卽處一方、

麻仁滋脾丸三錢扁豆花三錢炒山查錢半炒麦芽二錢生甘草六分

服后矢下胃开、旋用黃連阿膠湯加地榆槐花散數服而愈、

陳某患痢、已逾一月、延余診治、觀其所服之方、类皆清暑逐濕、余曰久病而積滯仍伏、非开而導之、決不能愈、遂用麻仁滋脾丸加地榆槐花、一服而宿矢尽下、胃氣亦开、旋用平胃散加阿膠、地榆、秦皮、服三劑而病全瘳、

戚某患痢、服余醫藥其病如故、囑余診之、云、余服大黃不下奈何、余取其方視之、則大黃只用七分、曰、此非大黃之不能下、分量太少耳、凡大黃少用、力不能攻、有如凝冰、反成積滯、余卽將七分改三錢、加厚朴一錢、服后屎下而病旋愈、

陳女患痢、邀余診治、按脈則肝脈弦而滯、舌則黃多于白、余方用

郁李仁三錢龍胆草錢半炒枳殼錢半炒山查三錢生甘草六分一服而宿矢尽下、

明道按、肝經濕熱郁滯、非龍胆草不能瀉、一得郁李仁則奪門而出、可以盪滌无余、不必用當歸龍薈丸也、

溫州翁某患痢、色白如凍脂、腹痛后重、諸醫歷治不效、囑余診之、按脈兩尺沉細、兩关沉實、遂撰方如左、

附子二錢、大黃二錢、生甘草二錢、枳壳二錢、炒川朴三分、服后所下如魚凍者、藥黃者、腐齒者皆有之、病漸愈矣、

問道按、此例非附子不能逐沉寒、非大黃仍不能逐積滯也、得川朴溫性以佐之、得枳壳醒脾以使之、能事畢矣、又按、古方治痢、有用巴豆白朮二味治之者、于白朮相宜、然不如附子大黃之穩妥也、

何篋芬之仆患痢、篋芬予以香連丸四錢、不效、延余診之、余改用防風通聖丸三錢、一服而宿矢尽下、病即全愈、

明道按、通聖丸麻黃與大黃并用、河間所制之方、

泄 瀉

何某患瀉甚劇、逾月余不稍止、所下皆完谷、服藿香正氣散、枳朮丸、桃花湯等俱不效、余思內經云、春傷于風、夏必發泄、凡泄瀉之久者、必有腸風、按脈兩关浮弦、浮則為風、弦則為血虛、兼積滯也、方用

桂枝湯中加枳實、芍藥、內金三錢云云。一錢生甘草、一錢生薑、一片

孫某正月患泄瀉、腹痛、泄瀉不休、診脈寸浮、關弱、舌白、兼黃、此乃伏寒食積也、方為

桂枝三錢、枳實二錢、扁豆三錢、茯苓四錢、一服即痊

明道按、泄瀉有火、有寒、屬濕、屬食之不同、治法自宜分別、但在临床上屬濕食傷脾者居多、故治療多以祛濕健脾為重點

霍亂

同年宣某、患霍亂吐瀉、腹痛難忍、囑余診之、余謂不必服藥、只用藜豆二兩、胡椒一錢煎湯服之可矣、果愈、蓋此方本之外台、余所治他人而有得者

明道按、此例乃寒霍亂、蓋霍亂多見于安逸之人、以其深居靜處、陽氣不伸、坐臥涼風、恣食瓜果、易在盛夏、涼不可謂之暑邪、王安道論之已詳、用綠豆清暑解毒、佐胡椒暖胃溫中、更能刺激腸胃、促其蠕動、病自能愈

嘔吐

李某患嘔吐甚劇、診脈兩关洪而實、爰將本事方枇杷叶散同溫胆湯參用一服而愈

枇杷叶去毛三錢 人參 一錢 淡竹叶 一錢 茯苓 三錢 茅根 六錢 生甘草 四分 姜半夏 一錢 桔紅 二錢 檳榔 四分

翻胃

邵某患翻胃、朝食暮吐、診脈兩关弦而細、兩寸沉兼濡、舌黃白相參、余方用

鉛酒滓七次二錢 羚羊角 二錢 桔紅 二錢 法半夏 二錢 淡竹茹 三錢 生薑 三片 生甘草 四分

服一劑即減半、后用胃苓散服三劑全愈、

明道按、翻胃乃噎膈之漸、多由七情傷于脾胃、郁而生痰、痰與氣搏、升而不降、飲食不下、下而即吐、治法當分血虛、氣虛、有痰、有熱、擅在医者辨症施治、

胃痛

单妇患胃痛、身發壯熱、時醫誤認為經期不調、如失笑散等藥服過數十劑不效、延余診治、按脈关实而滯、病由积食所致、詢之、病者恍悟曰、病之起果服將冷之麵、是晚即發熱、次日胃痛如割矣、時醫不知积食、故投藥屢不見效、為撰一方、

鷄內金炒二錢 神曲 二錢 焦麥芽 二錢 桂枝 二錢 瓜蒌仁 三錢 葱白 一錢 一服而熱退痛消、

增女患胃痛、邀余診之、得关脈实滯、大便不甚暢利、且干燥、知病不仅在胃、乃在大腸也、內經云、腸實則胃虛、胃實則腸虛、腸為胃之下口、即為胃之出路、下有积滯、上必氣

結而作痛、若仅治胃无益也、为撰一方、服二劑而愈、

麻仁 二錢 大黃 酒炒 川朴 一錢 木香 二錢 生甘草 五分 杭白芍 酒炒

胡某患胃痛、按脈关实寸弱、舌黄、余曰、此胃弱而大腸有积也、須扶胃導滯以治之、方为扁豆仁四錢、淮山藥五錢、炒冬朮二錢、制大黃一錢、服之而大便即利、痛即如失、

肿 脹

呂某除面部外、患全身腫滿、青筋細急、大小毕見、自述脹无所苦、所苦者細急之痛、有如繩縛、服逐水藥不效、邀余診之、按脈則沉細而滯、非溫之必不能愈、先用十枣湯服之、不效、次日囑其購巴豆一斤、煎湯浴之、是時京中藥肆为取締毒物、不賣巴豆、乃于邠州藥行、托友人設法、买得浴之、浴時覺悶苦、細急之痛者至此无可言状矣、浴后一炊許、倦极思臥、臥醒登廁、所下之水約二斗、其水中有五色片、薄如蠶紙、其病頓失、旋用平胃散治之、呂所下之五色片、当时余曾目睹、不解其故、思之累日、始恍然于脂膜为寒水所浸、积久而腐、其近五脏、故成五色、薄如蠶紙、即脂膜之確証、积之再久、腐及于脏、遂不可治、

明道按、此方本于叶天士、外治之力、胜于內治、外治必須用此猛烈之品、盖寒水停积、非溫劑必不能治、腫脹尤論为食为气、必挟寒水而成、未可概用寒涼之品逐之也、